

Tessi tessi

Tessi tessi lu to sognu
O la mio criaturella
è mare è Muntagne è sole
Facenu la rundinella
à la chjama di a luna
S'hè incesa ogni stella
è lu ventu cun dolcezza
Ti canta la nannarella

Tù sè nata in paradisu
Cun Terraniu pè cullana
Induv'è fiore cun surrisu
E felecità si spanna
Ci si rinfrescanu le petre
à l'acqua di la funtana
E l'acelli fischjulendu
accumpagnanu la nanna.

Tu sè la bianca culomba
Chi dai fiatu a lu core
In casa tu se a Luce
Quandi u sole si ne more
In lu viculellu biancu
Dormi dormi o pricipessa
Per u sempre la mio cara
N'hè ti facciu la prumessa.

O la mio Santa Regina
Fate bellu u so destinu
Ch'ellu sia di smeraldu
Ch'ellu sia d'oru finu
Ch'ellu sia di furtuna
E d'amore lu caminu
O la mio Santa Regina
Fate bellu u so destinu

Ch'ellu sia di furtuna
E d'amore lu caminu
O la mio Santa Regina
Fate bellu u so destinu

O la mio Santa Regina
Fate bellu u so destinu

Federicu Poggi / Mieke Miyazaki / Voce Ventu